

Dumfries no a presenta pa crea quorum

Reunion pa presupuesto husticia no a continua

* Rudy Croes a demostra falta di responsabilidad atrobe

* Rudy mes a declara cu ambtenar cu no ta traha mester bay

ORANJESTAD(AAN)— Algun tempo pasa e mes a declara cu ambtenaarnan cu no ta traha, mester bay. Gobierno a pone medida pa evita cu ambtenaarnan por usa nan estado di salud pa no ta na trabao. Trahadornan, cu mester paga loonbelasting, mester mantene nan mes na reglanan di trabao. Kico responsabilidad di trabao ta pa Ministranon, a keda demostra ayera door di Rudy Croes, cu como Ministro di Husticia mester a defende su presupuesto enfrente Parlamento. Huez a bisa antayera den e caso civil cu Gobierno mes a cumenza contra Tico Croes, con importante presupuesto ta. Pero Rudy Croes a dicidi di keda Peru y no a presenta na e reunion. Ausencia di Dirk Dumfries a haci cu no por a forma quorum cu e resultado cu e reunion, durante cual Booshi Wever mester a representa Rudy Croes, no por a tuma lugar.

Gobernantenan kier respet. Con por saca respet pa loke gobernantenan y miembronan di Parlamento ta haci cu nan funcion, tur dia ta bira un pregunta mas grandi.

Rudy Croes, kende ta fungi como Ministro di Husticia, a demostra atrobe cu su trabao no tin responsabilidad mara ne. For di Colombia recientemente, el a usa un furia di masbango pa no bay Hulanda, pero despues a asisti na e tripartite. Pasobra e mester a bay un entiero, a laga Gobierno di Antiyas na ultimo momento cancela e almuerzo durante cual Gobierno di Aruba y esun di Antiyas mester a reuni pa trata asuntonan importante. Ayera Rudy Croes mester tabata presente pa atende e Presupuesto di Husticia, cu ta uno sumamente importante den e ultimo desaroyonan na Aruba, especialmente a base di cambionan cu Rudy Croes kier introduci den Leynan cu ta regla weganan di placa y

den cual tin proyectonan cuestionabel envolvi.

Manera DIARIO a anticipa, Rudy Croes no a presenta. For di momento cu reunion na Hulanda a termina, ningun hende a tende mas di Rudy Croes, kende aparentemente mester ta na Lima mientras for di Diarazon siman pasa e mester tabata di regreso na Aruba.

Tabata e intencion pa Booshi Wever como su reemplazante a atende e reunion y e presupuesto di e Ministerio, pero aparentemente Booshi Wever cu durante tratamiento di su propio presupuesto a haya su mes cu un buraco di 17 Mion na Serlimar, no tabata kier a haya su mes den mas problema cu e presupuesto di Husticia.

En todo caso, e fraccion di

MEP, di cual seis miembro recientemente a haya necesario pa ta e delegacion di MEP cu ariba costo di Pueblo a pasa dos siman na Hulanda pa entre otro mira si nan tin sobrepeso, no por a forma e mayoria cu mester ta presente pa un reunion publico di Parlamento tuma lugar. Dirk Dumfries atrobe tabata e figura central den e suceso aki, pasobra e no a presenta 8 or di mainta, ora reunion mester a cumenza. Pa 8.30 or e Presidente di Staten a anuncia cu e reunion ta worde posponi pasobra no tin suficiente hende inscribi pa forma quorum. Pues Parlamento no a reuni pa trata presupuesto di Husticia. Esaki a socede hustamente un dia despues cu Hues den e caso civil cu Gobierno a cumenza contra Tico Croes,

cu a mira su mes absolvi den e caso civil di tur e acusacionnan di corrupcion entre otro y solamente a worde teni responsabel pa no a atende presupuesto manera mester ta, a mustra con importante presupuesto ta. Huez a considera Presupuesto derecho central di Parlamento pa por haci su trabao. Kico pa Gobierno y e fraccion di MEP, cu a permiti tanto manipulacion du presupuesto ta nifica, a keda demostra ayera ora Ministro Rudy Croes ni sikiera a haya necesario pa ta na Aruba pa haci su trabao y fraccion di MEP no a presenta den totalidad pa e reunion por a tuma lugar.

TELEFONNAN DI DIARIO
582-6747- FAX 582-8551

V.I.P.=VERY IMPORTANT PADRINO!!



**BEST
DEAL**

Tel: 5827100

(Pariba di Aruba Bank, Paradera)



**Smoke
Detector**
Afl. 39,95